



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“, broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj: 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2019. GODINU BH SLOBODNIH DEMOKRATA

Broj: 03-07-6-497/20  
Sarajevo, 30.06.2021. godine

## SADRŽAJ

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA.....	4
Predmet pregleda i kontrole.....	4
Cilj pregleda i kontrole.....	4
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1. NALAZI.....	5
5.2. PREPORUKE.....	6

## **MIŠLJENJE REVIZORA**

Služba za reviziju finansiranja političkih stranaka izvršila je pregled godišnjeg finansijskog izvještaja BH SLOBODNIH DEMOKRATA za 2019. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

**Pregledom godišnjeg finansijskog izvještaja za 2019. godinu, utvrđeno je da su BH SLOBODNI DEMOKRATI prekršili odredbe člana 5. stav (4), člana 11. stav (1) i člana 12. stav (1), (4) i (5) Zakona o finansiranju političkih stranaka.**

**Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja BH SLOBODNIH DEMOKRATA za 2019. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, BH SLOBODNI DEMOKRATI nisu ostvarili prihode, što se vidi iz naredne tabele:

R/B	Izvori finansiranja	Iznos (KM)	Struktura (%)
1.	Članarina	0,00	
2.	Prilozi fizičkih lica ( 3-a )	0,00	
3.	Prilozi pravnih lica ( 3-b )	0,00	
4.	Prihodi od imovine ( 3-c )	0,00	
5.	Prihodi od dobiti preduzeća u vlasništvu političke stranke ( 3-d )	0,00	
6.	Prihodi od poklona ( 3-e )	0,00	
7.	Prihodi iz budžeta ( 3-f )	0,00	
8.	Prihodi od propagande ( 3-g )	0,00	
<b>I</b>	<b>Ukupni prihodi (1-8)</b>	<b>0,00</b>	
<b>II</b>	<b>Ostali prihodi i drugo</b>	<b>0,00</b>	
	<b>Izvori finansiranja (I+II)</b>	<b>0,00</b>	

U godišnjem finansijskom izvještaju stranka nije iskazala rashode.

## 2. PREDSTAVLJANJE POLITIČKE STRANKE

Naziv političke stranke je BH SLOBODNI DEMOKRATI. Skraćeni naziv stranke je: BH SD.

BH SLOBODNI DEMOKRATI su upisani u registar kod Općinskog suda u Tuzli, Rješenjem broj: R-I-1/05 od 25.07.2005. godine.

Sjedište političke stranke je u Tuzli, Bosne Srebrene 1, SKPC Mejdan.

Lice ovlašteno za zastupanje stranke je Sead Avdić, predsjednik.

Lice ovlašteno za podnošenje finansijskih izvještaja za 2019. godinu je Sead Avdić.

Prema podacima iz godišnjeg finansijskog izvještaja za 2019. godinu, stranka nema niže nivoe organizovanja.

## 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj BH SLOBODNIH DEMOKRATA za 2019. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskog izvještaja BH SLOBODNIH DEMOKRATA obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

#### **4. PRETHODNE KONTROLE I REVIZIJE**

Služba za reviziju je izvršila pregled godišnjih finansijskih izvještaja BH SLOBODNIH DEMOKRATA u periodu od 2007. do 2009. godine, za 2011. i 2012. godinu, a potom u periodu od 2015. do 2018. godine, nakon čega su izdati izvještaji o pregledu sa mišljenjem revizora, nalazima i preporukama revizije.

Nakon obavljenog pregleda godišnjeg finansijskog izvještaja za 2018. godinu, izdat je izvještaj revizije sa nalazima, mišljenjem revizora i preporukama političkoj stranci: da podnosi finansijske izvještaje u skladu sa računovodstvenim propisima i da finansijske izvještaje koje podnosi Centralnoj izbornoj komisiji Bosne i Hercegovine dostavlja u skladu sa Pravilnikom o godišnjim finansijskim izvještajima političkih stranaka.

#### **Nerealizovane preporuke:**

Na osnovu uočenih nedostataka u godišnjem finansijskom izvještaju za 2019. godinu, utvrđeno je da politička stranka BH SLOBODNI DEMOKRATA nije ispoštovala date preporuke.

#### **5. NALAZI I PREPORUKE**

##### **5.1. NALAZI**

##### **a) BH SLOBODNI DEMOKRATI prekršili su odredbe člana 5. stav (4) Zakona o finansiranju političkih stranaka.**

Politička stranka u poslovnim knjigama i godišnjem finansijskom izvještaju nije uspostavila evidenciju o nenovčanoj donaciji koju je ostvarila besplatnim korištenjem poslovnog prostora.

Na zahtjev Centralne izborne komisije BiH političkoj stranci da dostavi dokaze o korištenju poslovnog prostora, obzirom da u finansijskom izvještaju nije iskazala trošak zakupnine, stranka je dostavila izjavu, u kojoj navodi da je koristila poslovni prostor u vlasništvu Seada Avdića, na adresi Ismeta Mujezinovića ba broju 33 u Tuzli.

U skladu sa odredbama iz člana 5. stav (4) Zakona o finansiranju političkih stranaka, politička stranka je bila dužna uspostaviti evidenciju o prijemu navedene nenovčane donacije, te istu prijaviti u finansijskom izvještaju.

##### **b) BH SLOBODNI DEMOKRATI prekršili su odredbe člana 11. stav (1) i člana 12. stav (1), (4) i (5) Zakona o finansiranju političkih stranaka.**

Pregledom godišnjeg finansijskog izvještaja, finansijske dokumentacije koju je politička stranka dostavila na zahtjev Centralne izborne komisije BiH, te dokaza iz drugih izvora utvrđeno je da stranka, suprotno računovodstvenim propisima, nije sačinila evidencije o prihodima, troškovima i obavezama, finansijski izvještaj Centralnoj izbornoj komisiji BiH nije podnijela u zakonom propisanom roku i izvještaj nije popunila u skladu sa odredbama Pravilnika o godišnjim finansijskim izvještajima političkih stranaka (u daljem tekstu: Pravilnik).

##### **(1) Godišnji finansijski izvještaj za 2019. godinu BH SLOBODNI DEMOKRATI su podnijeli nakon zakonom propisanog roka.**

Elektronski, putem aplikacije „FI CIK BIH” stranka je izvještaj podnijela 21.05.2020. godine, a obrasce finansijskog izvještaja, odštampane iz aplikacije u PDF formatu, ovjerene potpisom ovlaštenog lica i pečatom političke stranke dostavila je je Centralnoj izbornoj komisiji BiH 01.06.2020. godine. U skladu sa odredbama člana 12. stav (4) Zakona o finansiranju političkih

stranaka, stranka je bila obavezna izvještaj podnijeti do 31.03.2020. godine i elektronski i u čvrstoj kopiji.

- (2) Stranka nije u poslovnim knjigama i finansijskom izvještaju evidentirala nenovčanu donaciju, koju je ostvarila korištenjem poslovnog prostora bez naknade, čime je prekršila odredbe člana 13. i 18. Pravilnika.

Politička stranka nije iskazala ni troškove zakupnine poslovnog prostora, čime je prekršila odredbe člana 21. i 22. Pravilnika.

- (3) Pregledom godišnjeg finansijskog izvještaja stranke, utvrđeno je da BH SLOBODNI DEMOKRATI u poslovnim knjigama i finansijskom izvještaju nisu iskazali obaveze po osnovu neplaćene kazne po pravosnažnoj Odluci Centralne izborne komisije BiH, broj: 01-07-6-1/09 od 15.12.2010. godine, u iznosu od 1.000,00 KM.

- (4) Od BH SLOBODNIH DEMOKRATA je, aktom broj: 03-07-6-497-2/20 od 27.08.2020. godine zatraženo da dostave potvrdu NLB Banke da li je politička stranka u periodu od 01.01.2019. do 31.12.2019. godine ostvarila promet putem transakcijskog računa i u kom iznosu.

Politička stranka je dostavila potvrdu NLB banke da u periodu od 01.01.2019. do 31.12.2019. godine nije ostvaren promet putem tekućeg računa Seada Avdića.

Obzorom da nije dostavljena potvrda banke o prometu putem transakcijskog računa političke stranke BH SLOBODNI DEMOKRATI, politička stranka je prekršila odredbe člana 12. stav (5) Zakona o finansiranju političke stranke.

U izvještaju o računima poslovnog subjekta koji je dostavila Centralna banka BiH navedeno je da je transakcijski račun BH SLOBODNIH DEMOKRATA kod NLB Banke broj: 1321000311849964, a koji je politička stranka prijavila u finansijskom izvještaju, blokiran 12.08.2013. godine.

## 5.2. PREPORUKE

*Preporučuje se političkoj stranci BH SLOBODNI DEMOKRATI da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da vodi evidencije o primljenim donacijama, bez obzira na koji način ih ostvaruje,*
- *da poslovne knjige vodi u skladu sa računovodstvenim propisima,*
- *da uspostavi potpune i tačne evidencije o prihodima, rashodima i obavezama,*
- *da finansijske izvještaje Centralnoj izbornoj komisiji BiH podnosi u zakonom propisanim rokovima,*
- *da finansijske izvještaje popunjava u skladu sa podzakonskim aktima koje je donijela Centralna izborna komisija BiH i*
- *da dostavlja dokumentaciju za političku stranku koju zatraži Centralna izborna komisija BiH.*

## KOMENTAR

Politička stranka se nije očitovala na nalaze revizije navedene u Preliminarnom izvještaju o pregledu godišnjeg finansijskog izvještaja za 2019. godinu.

Pomoćnik revizora

Šef Službe za reviziju, revizor

Mr.sc. Goran Cicović

Mr.sc. Hasida Gušić